



栢鄉縣志卷第二

特授文林郎知栢鄉縣事長興鍾鑾華輯

古蹟

周官土訓掌道地事誦訓掌道方志稽方志  
以觀地所傳留故事古蹟之志所由昉乎第  
生不及見古人世遠年湮荒邈罔據而好事  
之徒并或附會其地以實之志古者有嘒焉  
栢鄉向屬鄙地置邑最古自周以來盟會戰

伐代不絕書山荒城古壇淪廢於邱墟榛莽  
中者故老猶能言之間或傳聞異辭事介疑  
似亦存之以待博洽者之取裁不敢芟也其  
他如一邱一壑縱無繫於典故而昔賢遺跡  
亦後人景仰所存川洛陽名園未始不足以  
占風會也附載於後誌古蹟

栢鄉故城漢縣侯國屬鉅鹿郡城冢記堯所築也故  
城在今縣西南十七里後廢隋於今治彭水之陽  
復置寰宇記堯山縣栢鄉故城在縣東北二十二

里與今趙州栢鄉縣中分爲界按此則故城蓋與  
唐山壤地相接者也後人以後漢書晉書不載栢  
鄉并疑栢人爲栢鄉世紀載栢人城堯所都漢因  
置縣魏改栢仁今唐山縣故址尚存括地一統志

可按也

明馮時化栢鄉舊城詩立馬瞻遺址荒垣不任秋千年堯築地  
百里漢封侯無復葱雉氣空餘草木愁愴然懷古意遙寄隴雲頭

鄆故城在縣治北二十里本春秋晉鄆邑光武卽位  
於鄆南改曰高邑爲冀州刺史治所北齊移縣治  
於房子此城遂廢俗呼爲王莽城又云王郎城今  
名故城鎮者是也明嘉靖三十年知縣楊恒爲築

堡題曰槐北外藩

本朝徐乾學過古鄆城詩真人三尺劒草昧試  
雄圖帳殿丹青古雕檐神鬼趨山川仍沃行風

俗尚淳愚遺傳新莽猶持威斗無馮志昭鄆城舊趾駐節曾傳刺史  
城東京帝業一時傾垣穿狐兔存荒道草密荆榛暗廢城湯沐何年公子  
地咄嗟沒後漢臣名油油禾黍高原秀抔土於今懷古情白玠詩長楊古  
道出荒城雉堞空存舊日名光武勲威已火燼信陵意氣亦邱平地仍趙  
北燕南重人愧毛前薛後行逆旅居停憑弔處殘疆廢壘不勝情魏裔魯  
詩十年夢寐到柴荆西北荒垣古廢城煙火幾家驚鐵馬輪蹄萬國半徵  
兵歸梁勸駕留高節救趙竊符餘令名湯沐千秋風雨在夷門誰復問侯  
生魏裔訥詩堞雉蜿蜒基尚存人煙數點孤村信陵往事餘衰草白水  
遺踪委斷垣落日悲風聞戰哭寒雲急雪見鷗蹲憑鞍悵望頻搔首月夜  
還驚帝子魂魏文毅冬日過古鄆城詩世變揚塵滄海中浮雲依舊塞寒  
空五城陌昭蕭王月湯沐邑餘公子風救趙應推監者策摧新獨美鄧侯  
功鄉園咫尺堪憑弔驚見青山思不窮孫昌齡亂後過古鄆城別墅詩杖東  
走柘人距家僅尺咫家危不敢過別墅入運邏田園漸蕪沒艾柞事良已  
蔓草宅邱墟整路無人理蠟蛸門一開中堂立狐狸流覽心傷悲涕洟下  
瀾瀾老父爲余言平地戈鋌起賊梳兵復斃十人七人死不見道之周伯  
骨莽仍委廢屋滿郊坵舊主歸能幾梁清標古鄆城有感詩河北蕭王

地來千秋王氣見高臺祗今遺  
廟荒煙裏處處秋風紅寥開

# 魏信陵君湯沐邑卽今古鄆城

明趙南星詠信陵君詩公子有  
至性愛士如骨肉幽遐徧搜訪

逃隱皆追逐七十夷門監執轡親爲僕鄆上交二公平原爽自慙窮窘動  
意氣鳩鳥誓必復如姬亦感恩士誰重蒞族入趙仍還魏受善殊神速若  
得遭明主秦險失函谷我嘗遊大梁千載有餘韻平居時結想美人此湯  
沐又咏毛薛二公詩毛公一博徒薛公賣漿人日遊閭閻中平原杳不聞  
不解魏公子何以知獨真救趙寄鄆上下車物色頻求交恐不得罄折極  
懇懇蒙俗等浮埃賞識爲瑤珉三千客亦多碌碌罕空羣正言勸歸國高  
義薄天雲混世保厥美耻入侯王門知已非偶值終古聲迹泯斯人吾所  
仰伉俠安可倫本朝魏文毅詩救趙曾驅十萬師信陵湯沐起人思高風  
下士空遺壘伯業傷心問酒卮堤上人家餘野火路旁翁仲伴枯枝年年  
此去長安道日暮荒城讀斷碑案清標詩信陵公子破強秦湯沐邑存歲  
月新多少平原門下客鄆中不識賣漿人趙修詩公子翩翩拂佩刀推賢  
矯詔出龍韜却秦慷慨資屠市歸魏讜論借薛毛一代英雄留史策百年  
湯沐委蓬蒿信陵一去高風遂誰向夷門降錦袍李志劄詩公子宏名未  
易窮英雄俠骨許誰同握符寶欲爭秦帝代將還圖救趙功一戰衝奔成

大烈千年豪氣貫長虹只今湯沐邑猶在愧煞羣雄霸業空

千秋亭在縣北十五里去舊鄆縣八里後漢光武紀

建武元年設壇場於鄆南千秋亭五成陌注秦法

十里一亭南北爲阡東西爲陌其地在今趙州栢

鄉縣本州志光武斬石人處野史云漢光武夜至

趙州南迷路聞人語問之弗應見二人立旁怒拔

劒斬之其一急走熟視之乃石也舊有光武廟嘉

靖四十一年知縣王楷重修

唐劉庭芝謁漢世祖廟詩春陵氣初發漸喜音未傳列營百萬

衆持國十八年運開朱旗後道合赤符先宛城劒鳴匣昆陽鎬應絃猶歌血塗地巨人聲沸天長驅過北趙短兵出南燕太守迎門外王郎死道邊

昇壇五成陌端拱千秋年朝廷方雀躍劍佩幾聯翩至德刑四海神儀翳  
九泉宗子行舊邑恭聞清廟篇君容穆而聖臣像儼猶賢攢木承危柱疎  
羅挂朽椽祠庭巢鳥啄祭器網蟲緣懷古江山在惟新歷數遷空餘今夜  
月長似舊時懸元陳孚光武廟詩亦符真天子元圭袞藻明千秋鄩邑廟  
一笑下江兵野瀾騰龍氣河流渡鳥聲列侯冠劍合英彩儼如生明李芳  
莎栢鄉北光武祠下作清時前輩多博古不重淫祠重書譜鐫碑立廟序  
金刀牧兒走卒知光武五成陌外千秋亭龍鬬尚覺風雲腥深畧沉幾天  
所贊雲臺何必符經星倣賊自子輿繡屣笑更始羣居無計劉盆子騎牛  
直掃妖氣清雷霆丁甲供頤指桓宋登庸止二儒太原旣放桐江逋以茲  
識緯多專決不憶長安誦典謨燔燎在鄩南禪望窮幽宵條狼鞭靜鷄初  
曉薄賦輕徭三十年醴泉藥病生朱草事歸臺閣謝三公怡神末屑求黃  
老平子東都賦差無溢美文少康有仍羞殊勲邱陵同體思高墳祠前古  
木留斜曛銅池瀉水三農耘常參竟日寒鴉羣燐蕭鼓瑟煙聲分朱浮鄧  
禹仍前軍句陳陡自西山賁左肅依稀慧紫雲靈其明堂聞所聞言之齒  
舌生清芬吾將持此規吾君無名氏光武廟詩廟謨開有漢帝道適蕪蕪  
灑落君臣契艱危宗廟圖山川扶鄩邑日月拱東都社稷千秋重風雲四  
達衢北風吹雨雪西日翳桑榆舊物餘翁仲荒祠老祝巫宗臣餘像在時  
有嵐岫鬚黃甲和前韻昆陽經戰地聖蹟峙蕪蕪火德延真主赤符肇帝

圖南馳度鄱邑北畧振新都龍氣騰槐水鸞鳴踏沃衢千秋臺上月十里  
道旁榆古廟埋荒逕斜陽說世巫英雄傷往事慷慨掠長鬚魏大成詩漢  
代棲神址荒涼不可尋牛羊蹂敗草鳥雀啄疎林落瓦磨成硯殘碑斷作  
砧停驂回首處弔古一沾襟宋朝魏栢祥冬日過光武祠詩莫向離亭去  
荒涼亦可哀孤村猶極目古廟一排徊老僧擁破衲柴門掩不開爲余言  
舊事指點漢王臺年深餘碣迹昔人安在哉日暮雲威凜悲風樹杪來行  
行趨歸去高卧且啣杯魏文毅千秋亭光武廟詩禍水覆炎祀王氏亂天  
紀矯詐託周公沾沾方自喜東郡舉義兵丞相方進子惡族正熾然宗室  
多慘死桓桓劉文叔昆陽杖馬爲天爲助風雷邑尋屠犬豕莽舌旣被食  
漸臺亦盡圯河北指顧定卜者如屍傀頃刻冰滹沱麥飯異長跪行行至  
鄱南符命亦爰止蔚蔚千秋亭浩浩五城時攀龍附鳳者暫而停鞭弭築  
臺拜聖人尚方進王璽建武三十年天下歌樂只葵葉黨綱興君子道遂  
否人亡邦殄瘁事由貂鎗耳鄱哉袁本初草檄乃爲已炎漢終式微當塗  
銅雀峙光武靈在天寧不汨汨瀾我家不一舍來往常至此拜瞻有類垣  
堦除無玉凡四顧兩翁伸頭而半殘毀不讀水經注荒唐詩滿紙雲臺將  
久歿東都業亦已古廟蕭蕭路旁老僧春糠粃絮絮蜀葵花時露牆頭葉行  
人下馬看指點口欲哆一二博古者吞嗟微信史太行山色高槐水清若  
泚弔古一興懷冉冉征塵起魏裔魯詩中興大業自天來青史龍鱗鳳翼

開東道主人能佐命南陽天子起蒿萊千秋鐘鼎歸蟻壤萬載威儀何  
杯父老至今能指點蕭王陌上說荒臺文魏文毅光武祠詩當年躍馬幾  
英雄轉首驅馳霸業空白水重生赤帝子郾南暫住太史宮翠華尚憶熊  
羆守侍從惟餘翁仲江漢室園陵多滅没千秋佳氣此葱蒨董國祥過光  
武祠詩柏人路側祠光武下馬欲拜增酸楚千秋漢業委蓬蒿但見斷石  
壘壘苔蘚古白水真人稱絕奇辰刀切石如切脂新室曾經三十六載南陽  
崛起亦何遲高帝子孫半淪滅再從司隸睹威儀五成陌上秋草荒鷓鴣  
年年叫夕陽西山往來射獵狐兔盡使我懷古情慘傷吳淇光武遺蹟詩  
建武此遺跡斷碑倚薜蘿艱難起白水倉卒渡滹沱慮遠三公罷功成百  
戰多千秋伏臘在麥飯竟如何白介詩白水真人奮草中逆顏強半未來  
同鄆城帝號曾從火河北民心始嚮風此日千秋懷往跡  
當年百戰掃羣雄石人疑是王郎魄斬却頭顱第一功

駐駕舖在縣南十二里明嘉靖十八年南幸駐蹕於

此有御製詩三章陸深北還錄五月初八日有旨

今日少駐栢鄉欲養人馬足力後因以名舖

本朝魏文毅駐

駕銷懷古詩發跡由安陸兄終應弟承問安周世子肖祭漢諸陵議禮尊  
張桂談兵少灌滕往來經過處惟有暮煙凝萼爾一村店鑾輿警驂聞詞  
章發瘡藻侍衛映星文事去空陳迹道  
旁多古墳堯山咫尺在墟里自耕耘

鳳凰岡舊志縣東街崇光寺後俗以岡形似鳳名之

栢境地勢平行無枝峯蔓谷之勝獨此隆然高起

馬鞍山在崔府君廟西南魏文毅以其形似名之

文毅馬鞍

山碣是山也自有宇宙來已有之有土而無石然不可不謂之山也邦人  
九日登於斯飲食舉觴酬酢於斯是爲記又名小峴山魏需牧詩序城南  
土山名馬鞍先文毅祖所命也其形前後高聳中間平坦有似於鞍故名  
魏勦馬鞍山登高詩西郊遙接古城煙老樹荒臺不記年鴉噪暮雲千嶂  
合寺臨秋水一橋懸黃花愛爾涵清露白雁搔  
人瀉碧天愧我登臨徒極目時方多難乏先鞭

槐川別墅在城東北隅鳳凰岡後明少司馬魏謙吉

別業修竹叢桂花塢蘭橈城市中具有林泉之勝

子大平大用額其堂曰光賚蓋追志寵賚也今廢

明張延庭光賚堂銘并序嗚呼是乃先朝大司馬魏公之堂也公文章在四海勲業滿三垂有耳者共聞之矣當開府陝右時大獲首功世廟寵賚甚厚公謂賤而弗彰匪忠也進而弗退匪義也匪忠匪義其何以訓爰命家人築別業於城東北隅花石堂序甲列鱗著睹者無平泉矣且鑿池紆帶邑居潦積成就之民用鮮溺乃公竟以王事弗克老於茲焉厥嗣續川紹川下悼親志上念君恩弗敢漸滅因請堂名於郡伯吳公而索予銘夫臣子於君上有賜銘於鼎銘於卮率歛識以貽不朽茲堂也豈一卮一鼎云乎哉作光賚堂銘曰城之隅良之區司馬之業天子之子植而欣欣者皇仁維茂鑿而滅滅者王澤維渥崇而矗矗者天寵惟琰正而噲噲者帝賚維都嘻千百世之下續斯紹斯者尚繹休命而式芳模又中秋泛魏池詩清光千里共嘉會二難并岸遠流螢度風生彩鷁輕高懷同酌酹英論發縱橫誰是天涯客歡然得此生朱應穀遊槐川別墅詩中丞別業錦堂開正是春深客子來池上一尊留我醉庭前雙桂倚雲栽玉驄聲帶花香遠翠蓋晴分樹影圓雅興祇緣看竹到詎知此地有蓬萊趙維卿詩亭

館春深一扣扉畫長人靜世益稀登樓未解思王粲問水惟堪詠謝暉竹  
月浸窓清客夢花香入座襲六衣此中特地生文藻階下還應樹紫薇張  
延庭大中丞魏公別墅詩何須玉樹與金堤樓築籌邊本素期文焰尚隨  
天漢迥忠魂不逐大星移柳塘春滿承恩澤花鳴鶯啼感歲時魏尚威名  
今却在雲中烽火漫教迷顧爾行詩公子名園綠樹垂春風三月正良期  
波光倒人白雲盡竹色低連紅日移荷鉞來尋中散約披襟猶對上皇時  
故園回首今誰涉白髮滄江自咏詩李標過魏孔居藻園詩蓬戶委蛇入  
蘧廬一草亭溪橋饒僻地荷芰映新汀迷路童先引閒除客乍經宜爲河  
朔飲命駕且須停任登瀛魏園酌張左海明府詩行縣觀風亦壯哉論心  
况復一尊開千家桑柘遺堯俗百里絃歌擁漢才滾滾雙流環睥睨陰陰  
萬樹抱樓臺主人博物雄談發日夕輶車且未迴顧綬槐川別墅感懷詩  
曾於文字見鴻猷埋玉今惟壘上楸遺跡百年稱勝槩羣芳繞聚水環流  
勝地尋幽憶偉人栽松種竹愛長春  
應知嘉遯春風遠千載滄洲一老臣

慎齋別墅在城西薛家莊明衡山令魏謙光讀書處

太行拱右午水襟前爲槐楊八景之一今廢

本朝魏文毅公

齋書院詩草堂曾建埤坵前釣鯉栽花自輞川彭澤舊居惟柳在青驄世  
業有孫傳山光入戶連樵徑秋水成溪帶野烟惆悵簞登誰濟美焚香掃  
室問  
遺編

僕園在城東南隅贈宮保大學士魏栢祥別墅中有

嘯木層聚遠樓慧香廊煙雨池枕奎閣畫舫居垂

虹亭澄觀堂諸勝名僕園八景今淪爲蔬圃

栢祥僕園夏日

四直繁華層城下棲遲不厭于幽偏堪避俗窈窕可藏書曲徑濃陰轉高  
梧落照初此時無可似兀坐意蘊蘊夏日園林好松篁翠可茹鳥啼三徑  
遍花氣四隅虛策杖臨清沼行歌曳軟輿困來隨意歇高卧讀殘書水漲  
垂虹閣雲深畫舫居風光當戶牖柳色映堦除菡萏紅將發柝欄綠可書  
閒居無一事閉戶摘園蔬晚涼方散步魚鳥亦徐徐岸幘平橋上題詩曲  
檻餘新晴看翠靄微雨聽蟾蜍懶恐羣兒覺時呼讀父書魏文毅園居卽  
事二首爲園依堞雉蒼籬亦羣山霞帶秋光滿雲收野鶴還移花遮曲徑  
激水下松關酒史茶經外餘生聊復閒小築廿餘年此生聊可寄崇臺映

赤霞芳沼羅青芝，蘭臺觴閒澹然邱壑志。余非蓬園人不廢於陵意，又  
九日集樸園二首。萬古重陽日，人生向此過。愁催雙鬢短，蹇恨一身多。遙  
岫懸高雉，平橋綴晚荷。菊觴頻喚取，遮莫醉顏酡。移尊向高閣，雲物晚來  
清。煙外雙砧落，霜前一雁橫。寒山吞暮日，流水匝孤城。登眺悲今古，長吟  
賴友生。又樸園八景詩。噴木層崇砌步超，然森森古木倚層臺。咫尺間便  
有萬山意，聚遠樓茲樓。名聚遠所聚竟何物，山色從西來。白雲自澤沸，慧  
香廊春在葳蕤中。衆芳噴不歇，心幽得妙聞。皎皎花間月，煙雨池秋潦。浮  
積聚空沼，日潺湲。苗苗開還落，幽人垂釣間。枕奎閣凌虛，貯鄴架并榦。掛  
文昌應有筆，花夢時時到。墨莊畫舫居，數椽雖近市。寥落與天遊，載酒詢  
奇字。拍浮一醉侯，垂虹亭城隅。集暮靄，樹杪隱孤峯。谷澗來靄飲，烟光復  
幾重。澄觀堂人皆以目視而我以  
心觀，觀亦同無觀。盈盈一水看。

柳庄在城南八里西汪村，贈宮保大學士魏栢祥別  
墅。本郭氏舊園，復拓其址，植柳開徑，易名柳莊。中  
有閱耕樓、平野堂、穩睡齋、半濤亭、竹安雨觀，諸勝。

自題十景曰宣霧晴嵐曰太行返照曰園臺肆眺  
曰嶽廟遠鐘曰平野浮烟曰長橋攬翠曰高齋待  
月曰檜幄聞濤曰竹逕流泉曰荷池夜掉自爲文

記之

魏相柳莊別墅記余僻懶性成志耽山水憶當舞象之年言所  
好於先侍御願得背山臨流之地薄田躬耕沉淪自適先侍御領

之今百年將半齒髮欲衰世故飽嘗名心倍冷間有不快於時輒向太行  
岩岫間徧納遊履煩苦糾紛頓如失去每恨江南佳勝神往徒勞婚嫁累  
人不及棄家之向子以故見拳石而愛見勺水而喜且見似山水者而喜  
見近山水者而亦無不喜南村去城市八里而近地濶水清兩山遙峙於  
形家言無大損因過從友人懷遜氏得郭族舊園四雙復拓其地之半植  
木之易樹者高柳二百株計數年可成林矣遂易名曰柳莊入莊建一樓  
垂柳夾路百步始至蘿徑徑內爲園題曰狎鷗取不疑於野人之意園之  
南則穩睡齋閱耕樓澹愜居讀書燕寢諸室與俱其北則平野堂余避暑  
處也堂深五仞八方虛敞據胡床箕倨其間見平疇翻浪孤雲入庭野曠  
天低余於此時得少佳致堂左右樓榭二東曰雨觀懸榻於下以待客主

之倦餘偃息者西曰竹安時鵲尾千竿效顰大令不可一日無此君也堂後鑿三畝池藕花紅白交錯桃柳匝焉西橫危橋長可十丈許迤而北七十步爲臺臺之前類影亭半濤亭歛照亭藥欄菊檻隨所宜而綴之臺之上爲圓清軒軒三楹不窓不壁四隅廓然西枕太行南揖真霧百里內外無不入吾耳目間與所知褰裳踰嶺泠泠有御風之想夕陽欲下暮山紫翠萬片飛來蒼巖白石以南熊耳蓬鵲諸峯芙蓉朶朶如在襟袖已而林端月上照躍一園竹籟清疎與遠鐘相答此時凭几靜對自謂不在塵境中也夫從來山川環匯之氣其炳靈穠郁不發於人則寓於物余形影自顧殊愧山靈半折林巒須彌可納孰謂山川靈秀不在余園竹石間哉則斯園之一花一石兒輩其護葺之矣然聚散何常成虧一瞬刻石志戒夙已笑其不達畸人菟裘終老一生豈再結文饒之痴腸重增後來之掄抑乃此鄉地多沙莽歲穰畝收不過一斛卽後世子孫不賢勢家不欲奪之而又無平泉珍異之石足爲子孫累者則斯園也余知其爲叔敖之寢邱也又柳莊十景詩宣霧晴嵐堯山咫尺竟無遮睡起開窗納早霞泝水北流應沃壤閱耕樓下遍桑麻太行返照翠峯雨沐黛如流天半朱霞晚未收亂後山中猶夜戍遙看燈火接遼州園臺肆眺樹色蒼蒼一塢春樵漁相望老閒身城中青眼應無數能解看山有幾人嶽廟遠鐘聲風引暹東離幾轉華輪人未知却憶青宵驚夢覺山中無念正相期平野浮烟晶